



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt martyrum dignitatem nullus prosanus infamet. Iv.

urn:nbn:de:hbz:466:1-10722

constitui, non de decimis, neque de oblationibus fidelium, non de domibus, neque de atriis, vel hortis, iuxta Ecclesiam positis, neque de præscripto manso aliquod seruitium faciunt præter ecclesiasticum: & si aliquid amplius haberint, inde senioribus suis debitum seruitium impendant.

Vt nullus de dote Ecclesie, vel de manso presbyterum censum persolvere cogat. Cap. LIII.

*Ex cõcil.
Meldēsi,
cap. 8.*

IVXTA synodalia præcepta decreuimus, vt nullum mortalium de agro ecclesiastico, & manso ac mansiuiis, vel si quilibet pro loco sepulturæ aliquid largitus fuerit Ecclesie, neque de decimis & oblationibus fidelium quenquam presbyterorum aliquem censum persolvere cogat, nec quisquam cuiuslibet ordinis aut dignitatis, exinde quicquam subtrahat, & redhibitionem quancunq; exigat temporalem. Quod si fecerit, communionem vsque ad satisfactionem priuetur.

De altaribus, quæ passim sunt per agros.

Cap. LIIII.

*Ex cõcil.
Africa-
no, ca. 50*

ITEM placuit, vt altaria quæ passim per agros, & per vias tanquam memoriæ martyrum constituuntur, in quibus nullum corpus, aut reliquie martyrum condite probantur, ab episcopis, qui locis eisdem præsunt, si fieri potest, euertantur. Si autem hoc per tumultus popularium non finitur, plebes tamen admoneantur, ne illa loca frequentent, vt qui rectè sapiunt, nulla ibi superstitione deuincti teneantur: & omnino nulla memoria martyrum probabiliter accipiatur, nisi aut vbi corpus, aut aliqua reliquie certæ sunt, aut origo alicuius habitationis, vel possessionis, vel passionis, fidelissima origine traditur. Nā quæ per somnia, & per inanes quasi reuelationes quorumlibet hominum vbiunque constituuntur altaria, omni modo reprobanda sunt.

Vt martyrum dignitatem nullus profanus infamet. Cap. LV.

*Ex cõcil.
Cartha-
gi, ca. 3.*

Martyrum dignitatem nemo profanus infamet, nec passiuia corpora, quæ sepulturæ tantum propter misericordiam ecclesiasticam commendari mandatu est reprobant, vt aut insania præcipitatos, aut tali peccato delictos, non ratione vel tempore competenti quo martyria celebrantur, martyrum nomen appellent. At si qui in ini-

riam martyrum, claritati eorum adiungant insaniam, placeat eos si laici sunt ad poenitentiam redigi: si autem sunt clerici, post commonitionem honore priuari. Vniuersi dixerunt: Rectè stabit sanctitas vestra. Hoc & singulis conciliis statutum est.

Vt missarum solennia non vbique, sed in locis ab episcopo consecratis fiant. Cap. LV I.

Missarum solennia, non vbique, sed in locis ab episcopo consecratis, vel vbi ipse permiserit, celebranda esse censemus. Concedimus etiam, vt sicubi, quod nostris peccatis exigentibus per plurimum est factum, à Nordinanis, & à Slauis, & ab Vngaris, & à malis Christianis, seu alio qualicumque modo Ecclesiæ fuerint incensæ & combustæ, in cappellis cum tabula consecrata, Missas interim celebrare permittimus, donec ipsæ Ecclesiæ restaurari queant. In itinere verò positis, si Ecclesia defuerit, vt sub dio seu in tentoriis item si tabula altaris consecrata, cæteraque sacra mysteria ad id officium pertinentia adfuerint, Missarum solennia celebrare concedimus, aliter omnino interdiciamus.

De Missa non celebranda, nisi in sacro loco.

Cap. LVII.

SCRIPTA sanctitatis vestræ, quæ ad sedem apostolicam misistis super quibusdam consultis, quasi ad caput, vt inde acciperetis responsa, vnde omnis Ecclesia totius religionis sumpsit exordium, gratanter suscepi, & breuiter vobis respondere curavi. De Ecclesiarum enim consecratione, & de Missarum celebrationibus non aliubi, quàm in sacris domino locis absque magna necessitate fieri debet, liquet omnibus quibus sunt nota noui & veteris testamenti præcepta. Tabernaculum verò Mosen domino præcipiente fecisse, & sacrasse cum mensa & altari eius, & æreis vasibus, & utenfilibus, ad diuinum cultum explendum legimus, & nõ solum diuinis precibus se sacrasse, sed etiã sancti olei vnctione domino iubente perlinisse nouimus. Qualiter autem hæc facta sunt, & nõ alii ipsa sacra quam sacerdotes sacra vnctione delibuti, dominoq; cum vestibus sanctis sacra & leuitæ tractabant, ferebant, erigebat, & deponebant, in ipsis institutionibus quæ iubente domino per Mosen conscriptæ sunt in lege domini reperitur.

M

*Ex cõcil.
Triburiẽ
si, cap. 4.*

*Ex decr.
Felicis 4.
pape omnibus
Episcopis
missis.*